

otelechakl: (otelech`akl)

otelechakl a oltelechakl; dimlak el esang e kmo, Bung a merrechorech; otelecheklii; ultelechakl a kmal mekngit el omeruul.

otelechekill: (otelechek`ill)

otelechekill a kirel el motelechakl; chad a di ngii el omekedong a otelechakl; otelecheklii e le ng mlo tmuu er a diak el blii; otelecheklel.

otelecheklel: (otelechekl`el)

otelecheklel a otelechakl er ngii.

otelecheklii: (otelechekl`ii)

otelecheklii a oltelechakl er ngii.

otelechel: (otel`echel) (2)

otelechel a ultelechel, oltelechel; klou el chemolt; otelechel a ungelel, otelechelii.

otelechel: (otelech`el) (1)

otelechel a otelech er ngii.

otelechelii: (otelechel`ii)

otelechelii a oltelechel er ngii, otelechel; olecholt er ngii.

otelechii: (otelech`ii)

otelechii a oltelech er ngii.

otelel: (otel`el)

otelel a otoel er ngii.

otelochel: (otel`ochel)

otelochel a olsechall el beot el moltilech er ngii; eungel a berikd el lius a otelochel.

otematel: (otem`atel)

otematel a kirel el motamet, kirel el mekurs; oltamet a kerrekar, kursii, otemetii a chimal, otemetel.

otemengall: (otemeng`all)

otemengall a kirel el motom; olecholt, otom a mederir er a urreor, otom a mederir er a mechesang, otemeel.

otemetall: (otemet`all)

otemetall a otematel.

otemetel: (otemet`el)

otemetel a otamet er ngii, oltamet.

otemetii: (otemet`ii)

otemetii a oltamet er ngii, kursii.

otemtimd: (otemt`imd)

otemtimd a mekudem el otimd.

otengel: (oteng`el)

otengel a otangel er ngii, meklou a otengel el tolechoi.

otengelall: (otengel`all)

otengelall a kirel el motengel; otengel a kall el mei er eou; otengeli a bangderang.

otengelel: (otengel`el)

otengelel a otengel er ngii; oltengel.

otengeli: (otengel`ii)

otengeli a oltengel er ngii.

oter: (ot`er)

oter a betok a eolt el tuobed er a delel, ngerel, ter, oterter.

oterau: (oter`au)

oterau a olterau, mla oterur a mlai, oterau a kall, ilumel, oterul.

oterebakel: (otereb`akel)

oterebakel a klekedall er a omengitakl, accordion (rrodel).

oterebek: (oter`ebek)

oterebek a omengemull el omdecham a redil el oba blekeu; oterebekii, oterebekel.

oterebekall: (oterebek`all)

oterebekall a kirel el moterebek; mekull ng diak el oterebekall a rechad; oterebekii, oterebekel.

oterebekel: (oterebek`el)

oterebekel a oterebek er ngii; olterebek.

oterebekii: (oterebek`ii)

oterebekii a olterebek er ngii.

oterechall: (oterech`all)


oterechall a rullii el mo ketiterachel; kirel el motorech; diak el oterechall a rael; otorech, oterechel.

oterechel: (oterech`el)

oterechel a otorech er ngii; oltorech.

oterechii: (oterech`ii)

oterechii a oltorech er ngii.



oterekall

- oterekall: (oterek`all) (1)**
oterekall a oterukel; kirel el moturek; olturek, nguu a kengei; oterekall a merreder, oterekel.
- oterekall: (oterek`all) (2)**
oterekall a kirel el moturek, oturek a blulekngel; rullii el tmurek; oterekel a ngerel.
- oterekekill: (oterekek`ill)**
oterekekill a kirel el moterkokl; oterekelii a omsangel, oterekokl a blai, oterekeklel a ngalek.
- oterekeklel: (oterekekl`el)**
oterekeklel a oterekokl er ngii; msa ngerachel.
- oterekeklii: (oterekekl`ii) (1)**
oterekeklii a olterekokl er ngii.
- oterekeklii: (oterekekl`ii) (2)**
oterekeklii a oterekii a ngerel; ocholt a blulekngel, koreuui a rengul, oterekel a rengul.
- oterekel: (oterek`el) (1)**
oterekel a oturek er ngii; melai er a kengei.
- oterekel: (oterek`el) (2)**
oterekel a oturek er ngii; olturek a blulekngel.
- oterekii: (oterek`ii) (1)**
oterekii a olturek er ngii; nguu a kengei.
- oterekii: (oterek`ii) (2)**
oterekii a olturek a blulekngel; oterekelii.
- oteremed: (oter`emed)**
oteremed a olteremed; oingatech.
- oteremedall: (oteremed`all)**
oteremedall a kirel el moteremed cheremrum a oteremedall, oteremed.
- oteremedel: (oteremed`el)**
oteremedel a oteremed er ngii.
- oteremedii: (oteremed`ii)**
oteremedii a olteremed er ngii.
- otermedelel: (otermedel`el)**
otermedelel a otermodel er ngii.
- otermodel: (oterem`odel)**
otermodel a klalo el chad a bad er ngii.
- oterter: (otert`er)**
oterter a mekudem el oter.
- oterukel: (oter`ukel)**
oterukel a oterekall.
- oterul: (oter`ul)**
oterul a oterau er ngii, olterau.
- oterulles: (oter`ulles)**
oterulles a oteruul er ngii.
- oterur: (oter`ur)**
oterur a olterau er ngii.
- oteruul: (oter`uul)**
oteruul a klalo el kirel el moterau; oteruul el mlai.
- otidall: (otid`all)**
otidall a kirel el motiid; rullii el otobed a tiid, tidel.
- otidel: (ot`idel)**
otidel a otiid er ngii; tmiid
- otidii: (tid`ii)**
otidii a oltiid er ngii.
- otiid: (ot`iid)**
otiid a oltiid.
- otiiil: (ot`iil)**
otiiil a oltuil, otiiil a lild er a blai, otiiil a bdelul er a tebel, otilel.
- otikereker: (otikerek`er)**
otikereker a osengudel; mesisiich, otikereker el ngikel a diak le melaok.
- otil: (ot`il)**
otil a okul; kisichel, otil a ouak er a mlai, sesei el udoud er a bank a otilel a rengud.
- otilall: (otil`all)**
otilall a kirel el motuil; otuil a tekoi er a merreder, otilel.
- otilech: (ot`ile ch) (1)**
otilech a klekedall el omachel; melebes, otilech a meluk a idungel.
- otilech: (ot`ilech) (2)**
otilech a otillech; olsarech; ngalek a mla otilech a kall.
- otilel: (otil`el)**
otilel a otuil er ngii, oltuil.
- otilii: (otil`ii)**
otilii a oltuil er ngii.
- otimd: (ot`imd)**
otimd a timd, otentimd.



- otirakl:** (*otir`akl*)
otirakl a oltirakl; okiuell el mong;
otireklii, otireklel.
- otirall:** (*otir`all*)
otirall a oteil.
- otireklall:** (*otirekl`all*)
otireklall a otirall, oteill.
- otireklel:** (*otirekl`el*)
otireklel a otirakl er ngii;
oltirakl.
- otireklii:** (*otirekl`ii*)
otireklii a oltirakl er ngii.
- otirel:** (*otir`el*)
otirel a otoi er ngii; ues el
kemeldiil; techiaremengeung.
- otirii:** (*otir`ii*)
otirii a oltoi er ngii; otirel.
- otitech:** (*ot`itech*)
otitech a oltitech; melitech el soiseb
er a meseked; otitechii a chad,
orribech er a techall; otitechel.
- otitechall:** (*otitech`all*)
otitechall a kirel el motitech;
otitechii, diak el otitechall a chad
er a chetemel.
- otitechel:** (*otitech`el*)
otitechel a otitech er ngii, oltitech.
- otitechii:** (*otitech`ii*)
otitechii a oltitech er ngii.
- otitenganged:** (*otiteng`anged*)
otitenganged a oltitenganged,
titenganged, otitengedel.
- otitengedall:** (*otitenged`all*)
otitengedall a kirel el
motitenganged, otitengedii a
kerrekar el mo er eou.
- otitengedel:** (*otitenged`el*)
otitengedel a otitenganged ngii.
- otitengedii:** (*otitenged`ii*)
otitengedii a oltitenganged er ngii.
- otkang:** (*otk`ang*)
otkang a kmal meklou el kim,
otkang er a Bengall.
- otngakl:** (*otng`akl*)
otngakl a olngakl; chetil el melai;
otngeklii a kall, otngakl a udoud,
otngeklel.
- otngekill:** (*otngek`ill*)
otngekill a kirel el motngakl,
olngakl e ngii, otngakl; otngeklel.
- otngeklel:** (*otngekl`el*)
otngeklel a otngakl er ngii.
- otngeklii:** (*otngekl`ii*)
otngeklii a olngakl er ngii.
- otobed:** (*ot`obed*)
otobed a oltohed; otobedii a
ngelekel er a skuul, otobed a
udoud, otebedel.
- otoched:** (*ot`oched*)
otoched a oltoched; olturek reng,
otechedii a chad, otechedel.
- otochel:** (*ot`ochel*) (1)
otochel a kerrekar (miich).
- otochel:** (*ot`ochel*) (2)
otochel a kirel el meuetech,
metechii, metech, diak el otochel
a charm.
- otoech:** (*ot`oech*)
otoech a oltoech; rokui el chad
a kirir el otoech a uldesuir, otechii,
otechel.
- otoel:** (*ot`oel*)
otoel a okal, klekedall el
omekllomes, oteel.
- otoi:** (*ot`oi*)
otoi a oltoi; locha er a delongelel;
odak er a kuk ngodech; otoi a
ngikel er a babii, otongel.
- otoir:** (*ot`oir*)
otoir a oltoi; otirii, oltoi er a
omerael, otirel.
- otom:** (*ot`om*)
otom a ocholt, oltom, rechad a
kirir el otom a mederir er a
urreolbeluu.
- otongall:** (*otong`all*)
otongall a kirel el motoi; oltoi,
oldak, blengur a otongall a ongraol
me a kliou me a rodech me a iasai
er ngii; otongel.
- otongel:** (*otong`el*)
otongel a otoi er ngii; oltoi.
- otongii:** (*otong`ii*)
otongii a oltoi er ngii.



otord

otord: (*ot`ord*)

otord a ta er a bedengel a ngikel.

otorech: (*ot`orech*)

otorech a oltorech; remuul el mo ketiterachel; mlai a mla oturech a rael, oterechii, oterechel.

otorel: (*otor`el*)

otorel a otaor er ngii.

ototel: (*ot`otel*)

ototel a ta er a bedengel a cheled.

otour: (*ot`our*)

otour a oltour; mla otour a klub el lius me a idungel, oturii, oturel.

otuball: (*otub`all*)

otuball a kirel a motuub; otubii a sechelil, omerellel a kirel a otuub; oltuub er a cheldechcheduch, otubel.

otubeklel: (*otubekl`el*)

otubeklel a otubokl er ngii, oltubokl.

otubeklii: (*otubekl`ii*)

otubeklii a oltubokl er ngii.

otubel: (*otub`el*)

otubel a otuub er ngii, oltuub.

otubii: (*otub`ii*)

otubii a oltuub er ngii.

otubokl: (*otub`okl*)

otubokl a oltubokl; orael er eou, otubokl a chimal el ribareb a udoud.

otuchakl: (*otuch`akl*)

otuchakl a oltuchakl; mekedong, otucheklii a buik, otuchakl a ert, otucheklel.

otucheklel: (*otuchekl`el*)

otucheklel a otuchakl er ngii, oltuchakl.

otucheklii: (*otuchekl`ii*)

otucheklii a oltuchakl er ngii.

otuil: (*ot`uil*)

otuil a oltuil, otiil, otuil a biskang er a blai, otiiil er a kingall.

otungall: (*otung`all*)

otungall a kirel el motuu; otungii a meleboteb, otuu a klalo, otungel.

otungel: (*otung`el*)

otungel a otuu er ngii, oltuu.

otungii: (*otung`ii*)

otungii a oltuu er ngii.

oturek: (*ot`urek*) (1)

oturek a olturek, nguu a kengei, oterekii.

oturek: (*ot`urek*) (2)

oturek a olterekokl, olturek, ak mla oturek a blulekngel, oterekel.

oturek: (*ot`urek*) (3)

oturek a oldak; oturek a idungel.

oturel: (*otur`el*)

oturel a otour er ngii, oltour.

oturii: (*otur`ii*)

oturii a oltour er ngii.

otut: (*ot`ut*)

otut a oltut, omtut, otutur.

otutakl: (*otut`akl*)

otutakl a oltutakl; delengerengerem a mla otutakl a ududek me ng mechoit el ngkedem.

otutall: (*otut`all*)

otutall a kirel el motaut; otaut a llechul a rael, otutii a ngau, llechul a rael a otutall; otutel.

otutekill: (*otutekl`ii*)

otutekill a kirel el motutakl; otuteklii, ocholt a telemellel er a bulis; otuteklel.

otuteklel: (*otutekl`el*)

otuteklel a otutakl er ngii, oltutakl.

otuteklii: (*otutekl`ii*)

otuteklii a oltutakl er ngii.

otutel: (*ot`utel*)

otutel a otaut er ngii; oltaut, otutel a llach.

otutel: (*ot`utel*) (1)

otutel a otuut er ngii.

otutel: (*otut`el*) (2)

otutel a otaut er ngii, oltaut a llach, otutel a llach a ngerchelel a buai.

otutii: (*otut`ii*)

otutii a oltaut er ngii, otutii a ngau.

otutul: (*otut`ul*)

otutul a otut er ngii, oltut.

otutur: (*otut`ur*)

otutur a oltut er ngii.





otutuul: (*otut`uul*)
otutuul a kirel el motut; msa tul;
tolechoi a otutuul, otutur, otutul.

otuu: (*ot`uu*)
otuu a olsiseb; oltuu, aki mla otuu
a kles er a bai; otungel.

otuub: (*ot`uub*)
otuub a oltuub; melekoi a kngtil a
chad me a kngtil a tekoi; otuub
a chelechei, otubii a chad, otubel a
tekoi.

otuell: (*ot`uull*)
otuell a kirel el motour; oturii a
ngalek, otour a babier, ngalek a
otuell, oturel.

otuu: (*ot`uut*)
otuu a klekedall el ometuut;
metuut a kerrekar, metutii a
itabori, otutel.

ouas: (*ou`as*)
ouas a uas, mesulaul a ouas.

oubabier: (*oubabi`er*)
oubabier a ngar ngii a babier er
ngii, babirengel.

oubabii: (*oubab`ii*)
oubabii a oucharm a babii.

oubachel: (*oub`achel*)
oubachel a ngar ngii a bechelel,
bachel.

oubadek: (*oub`adek*)
oubadek a ngar ngii a bedekel.

oubail: (*oub`ail*)
oubail a bleiull, blail.

oubaiong: (*oubai`ong*)
oubaiong a ousbech er a baiong.

oubakaka: (*oubakak`a*)
oubakaka a melekoi, mengerodech
e mengedecheduch el
mengebelung.

oubambuu: (*oubamb`uu*)
oubambuu a ngar er ngii a bambungel.

oubangderang: (*oubangder`ang*)
Belau a oubangderang; ngar ngii
a banderang er ngii.

oubar: (*oub`ar*)
oubar a ngar ngii a berul,
mekerasem a oubar.

oubas: (*oub`as*)
oubas a ngau el ngar ngii a bas.

oubasket: (*oubask`et*)
oubasket a ousekool a basket.

oubebei: (*oubeb`ei*)
oubebei a metitur el mesaod a
tekoi, mekngit a omelekingel.

oubedulnguis: (*oubedulng`uis*)
oubedulnguis a mechiuaiu e
dechor a bdelul (ko er a nguis).

oubeketekoi: (*oubeketek`oi*)
oubeketekoi a mengedecheduch;
melekoi a betok el olturek reng.

oubekeu: (*oubek`eu*)
oubekeu a medakd e meruul er
ngii el bekeu, oubekeu er ngii.

oubeltikelreng: (*oubeltikelr`eng*)
oubeltikelreng a betik a rengul,
smau, soal, ngalek a
oubeltikekreng er a delal me a
demal.

ouberberingel: (*ouberber`ingel*)
ouberberingel a betok a besichel;
belsiochel er a olbiungel, telau
me a kliit.

ouberreakl: (*ouberre`akl*)
ouberreakl a orebetii a ouak e
mengiil er a iusech.

ouberreburs: (*ouberreb`urs*)
ouberreburs a kakerous a
bedengel; ouberreburs el beka.

ouberrengau: (*ouberreng`au*)
katuu a ouberrengau el melekoi,
lmangel.

oubesos: (*oubes`os*)
oubesos a ngar ngii a bedesil,
besos.

oubetetelluut: (*oubetetell`uut*)
oubetetelluut a merael el mei er uriul.

oubilas: (*oubil`as*)
oubilas a ngar ngii a bilas er ngii,
bilsengel.

oubilis: (*oubil`is*)
oubilis a oucharem er a bilis.

oubiskang: (*oubisk`ang*)
oubiskang a ngar ngii a
biskelengel.





oublai

oublai: (*oubl`ai*)

oublai a ngar ngii a blil.

oubrer: (*oubr`er*)

oubrer a ngar ngii a berrul.

oubuch: (*oub`uch*)

oubuch a bechiil.

oubuchrengul: (*oubuchreng`ul*)

oubucherrengul a oltak er a rengul;
chad el diak el bechil e omdasu el
kmo ng bechil ngikei.

oubusech: (*oub`usech*)

oubusech a ngar ngii a bsechel,
katuu a oubusech.

oubuuch: (*oub`uuch*)

oubuuch a ngar er ngii a buchel.

ouchad: (*ouch`ad*)

ouchad a ngar ngii a rechedal.

ouchais: (*ouch`ais*)

ouchais a melekoi a chais, ouchais
er a desiu er a Kobe, chisel.

oucharm: (*ouch`arm*) (1)

oucharm a ngar er ngii a cheremel
el babii me a katuu.

oucharm: (*ouch`arm*) (2)

oucharm a chad el diak el ongull
a rechad; diak lolengmes,
melenguul a mesa chad el mekngit.

ouchedam: (*ouched`am*)

ouchedam a omekedong er a
demal; ngar ngii a demal.

ouchedecholl: (*ouchedech`oll*)

ouchedecholl a mechiuaiu er a
chedecholl.

ouchedesaoch: (*ouchedes`aoch*)

ouchedesaoch a ngar ngii a
chedesaoch, daob a ouchedesaoch.

ouchelebechib: (*ouchelebech`ib*)

ouchelebechib a kaiuechib;
olecholech a ouchelebechib
a medal.

ouchelechelid: (*ouchelechel`id*)

ouchelechelid a meruul er ngii el
chelechelid; ng di klasekl.

ouchelid: (*ouchel`id*)

ouchelid a ngar ngii a chedul;
chedal a chelid, ouchelid a
melamet er ngii.

ouchellimaol: (*ouchellim`aol*) (1)

ouchellimaol a omiroi a chimal;
mengedecheduch el ouchellimaol.

ouchellimaol: (*ouchellim`aol*) (2)

ouchellimaol a ngar ngii a loba el
merael el mong.

ouchelmoll: (*ouchelm`oll*) (1)

ouchelmoll a ngar ngii a
chelmellel; Babeldaob a
ouchelmoll el beluu.

ouchelmoll: (*ouchelm`oll*) (2)

ouchelmoll a ringeldaob, chelechol
a ouchelmoll; meringel a daob el
omerengakl

oucheraro: (*ouch`ero*)

oucheraro a ngar ngii a cherrouel;
chetil el chad; oucheraro a mekngit
el chad.

ouchert: (*ouch`ert*)

ouchert a ngar ngii a chert er ngii.

ouchisang: (*ouchis`ang*)

ouchisang a mocha ouchais, chisel.

ouchisb: (*ouch`isb*)

ouchisb a chisb, hicupps (rrodel).

ouchiull: (*ouchi`ull*)

ouchiull a ousbech er a chiull.

oucholbiungel: (*oucholbi`ungel*)

oucholbiungel a klebikl a
olbingelel el bachel.

ouchutem: (*ouch`utem*)

ouchutem a ngar ngii a chetemel,
kloleklel er a demal.

oudababang: (*oudabab`ang*)

oudababang a mengedecheduch el
mededebedeb; mrael el outachuachu.

oudangeb: (*oud`angeb*)

oudangeb a ngar ngii a dengebel,
delangeb.

oudangs: (*oud`angs*)

oudangs a meloik, te oudangs er a
bai a rengeasek


oudebsochel: (*oudebs`ochel*)

oudebsochel a melebsochel,
debsochel, oumekngit er a chad.

oudekedek: (*oudek`edek*)


oudekedek a delekedokel,
delekedek.





- oudekool:** (*oudek`ool*)
oudekool a ngar ngii a sersel er a dekool.
- oudelasech:** (*oudel`asech*)
oudelasech a ngar ngii a delsechel; delasech, oudelasech a babii.
- oudelebechel:** (*oudeleb`echel*)
oudelebechel a delebechel; cheldull, rekebil me a rebuik a belsiochel e oudelebechel mochang.
- oudelebedobech:** (*oudelebed`obech*)
oudelebedobech a betok a delobech er ngii; betok el kakerous a bedengel; mengerenger a oudelebedobech.
- oudelebekeongel:** (*oudelebeke`ongel*)
oudelebekeongel a delebekeongel oumeduch er ngii, oubeku er ngii; oudelebekeongel el omekall el metemall.
- oudelengobel:** (*oudeleng`obel*)
oudelengobel a oudangeb.
- oudeleukes:** (*oudele`ukes*)
oudeleukes a ngar er ngii a dikesel; oubliongel.
- oudelmedimech:** (*oudelmed`imech*)
oudelmedimech a betok a dimech er ngii.
- oudeluus:** (*oudel`uus*) (1)
oudeluus a uldor er a deluus; oudeluus el omdor er a chull.
- oudeluus:** (*oudel`uus*) (2)
oudeluus a uldor er a ungil el llach; ngar a eungel a ulekerreuil a llach; oudeluus a llach er a remechas; selebechakl er ngii.
- oudengua:** (*oudengu`a*)
oudengua a ngar ngii a dengua er ngii.
- ouderau:** (*ouder`au*)
ouderau a ngar ngii a derul, derau.
- ouderiu:** (*ouder`iu*)
ouderiu a omritel er a kerrasem; kmal mekerasem.
- oudersechimong:** (*oudersechim`ong*)
oudersechimong a ouderstang el omechur; oudersechimong el omechar.
- oudertang:** (*oudert`ang*)
oudertang, toktang a ouderta er a rechad el omes er tir.
- ouderteblong:** (*ouderteb`long*)
ouderteblong a lius el mengub.
- ouderteboteb:** (*ouderteb`oteb*)
ouderteboteb a ngar ngii a teboteb er ngii, kemim a ouderteboteb.
- oudertelkib:** (*oudertelk`ib*)
oudertelkib a di telkib, kesai a kall me ke rdi oudertelkib.
- oudesbedall:** (*oudesbed`all*)
oudesbedall a okiu; merael er a desbedall.
- oudeukes:** (*oude`ukes*)
oudeukes a ngar er ngii a blingelel; deleukes er a klobak; oudeukes er a babii.
- oudimech:** (*oud`imech*)
oudimech a ngar ngii a dimech er ngii.
- oudirekorek:** (*oudirek`ork*)
oudirekorek a ngar a chei el olab a direkorek.
- ouedikel:** (*oued`ikel*)
ouedikel a diak le chelellakl, ouedikel a ourreor el kirel a bliil; ouedikel el soal ungil el delengchokl.
- ouedoim:** (*oued`oim*)
ouedoim a ngar ngii a odimel, klechedaol a ouedoim er a babii.
- ouekau:** (*ouek`au*)
ouekau a ngar ngii a okeuil, ouekau el mo er chei.
- ouelai:** (*ouel`ai*)
ouelai a meruul a olai el olsebek er a chull, oliul.
- ouelangch:** (*ouel`angch*)
ouelangch a ngar ngii a olechotel; olengchelel.
- ouelengechel:** (*oueleng`echel*)
ouelengechel a ouelangch.
- oueling:** (*ouel`ing*)
oueling a omekedong; omelechiesiu, melemolem el merechorech a oueling er a mo er a kelebus.





ouellach

ouellach: (*ouell`ach*)

ouellach a melecha er a llach;
cheroid e omekedong; oldars a
chimal, mamed el olechau a ues.

ouellak: (*ouell`ak*)

ouellak a ouelai el melai er a
rengul a soal el chad, ollak,
ollekengel.

oueloi: (*ouel`oi*)

oueloi a mekudem el melekoj;
omeklatk; ak di oueloi el kmo
mcheridau er a ice, kamesang ke
kelebus.

ouemenged: (*ouemeng`ed*)

ouemenged a ourreor el ngar a chei
el melemed er a ngikel.

ouemengedakl: (*ouemenged`akl*)

ouemengedakl a mengeterochel;
oumekngit er a ngalek, chad;
diak longeleoch.

ouemoket: (*ouem`oket*)

ouemoket a ngar ngii a omeketel;
belsiochel a bdelul; ouemoket
er a bsechel a malk.

ouengemek: (*oueng`emek*)

ouengemek a kmal merengul;
ouengemek el mengereker
el mo merau.

ouerabek: (*ouer`abek*)

ouerabek a omdidm; melai a
bertelel a cheraro, ouerabek a mo
duingar a beluu.

ouerau: (*ouer`au*)

ouerau a loa orul, orau.

ouerngor: (*oueng`or*)

ouerngor a ngar ngii a rengerengel;
dekedekek a ulkel er a sils.

ouesarech: (*oues`arech*)

ouesarech a ngar ngii a oserechel,
osarech; ouesarech a le bebil e ng
rrau a rengul.

ouesebek: (*oues`ebek*)

ouesebek a ngar ngii a
osebekel.

oueses: (*oues`es*)

oueses a ouedikel; rengineasek a
oueses le bedengir a mesisiich.

ouetungl: (*ouet`ungl*)

ouetungel a ngar er ngii otungelel,
techel a otungel.

ouiakiu: (*ouiak`iu*)

ouiakiu a ousekool a iakiu.

ouiars: (*oui`ars*)

ouiars a mlai er a daob el omekall
a ears.

ouiek: (*ou`iek*)

ouiek a ngar ngii a iek er ngii,
merau a mengesuch a iek; udoud
er a Belau.

ouiuul: (*oui`uul*)

ouiuul a ngar ngii a iuul; ert a
remurt el ouiuul.

oukakak: (*oukak`ak*)

malk a oukakak a melekoj.

oukat: (*ouk`at*)

oukat a play card (rrodel).

oukboub: (*oukb`oub*)

oukboub a ngar ngii a kboub er
ngii.

ouked: (*ouk`ed*)

ouked a merael er a ked; oubeluu.

oukeketui: (*oukeket`ui*)

oukeketeui a telkib el ouketui.

oukelloi: (*oukell`oi*)

oukelloi a ngar ngii a kellingel;
mechas a mengelloi er a kemeldiil

oukerebai: (*oukereb`ai*)

oukerebai a ngar er ngii a kerebil,
oukerebai el babier.

oukerrekeriil: (*oukerreker`iil*)

oukerrekeriil a oker; mengetiit,
kerrekeriil er a kodellel a
President.

oukerruk: (*oukerr`uk*) (1)

oukerruk a omekedong a malk.

oukerruk: (*oukerr`uk*) (2)

oukerruk a oba kedul a ngloik;
ourrot a oukerruk er a lebuchel.

ouketui: (*ouket`ui*)

ouketui a chetil, kltui, ouketui er a
bechil, ouketui er a delal.

oukeukl: (*ouke`ukl*)

oukeukl a okiu a keiukl;
merael er a keukl.





- oukiklalo: (oukiki`alo)**
oukiklalo a ourreor el diak el orreched, ngii di le nguu a klalo, oukiklalo e omokoad a taem.
- oukita: (ouki`a)**
oukita a outumetum er a kita.
- ouklemedaol: (ouklemed`aol)**
ouklemedaol a ta er a bedengel a rrull el meklou.
- oukluk: (oukl`uk)**
oukluk a ngar ngii a kluk er ngii, kklul; udoud er a Belau.
- oulalech: (oul`alech)**
oulalech a ngar er ngii a lalech er ngii; oburek a omeklalech.
- ouleb: (oul`eb)**
ouleb a kmeed el omrechorech, klengoes a ouleb kung.
- ouleluki: (oulel`ukl)**
ouleluki a kmal mui; klengoes a ouleluki er a ralm.
- oulild: (oul`ild)**
oulild a ngar ngii a lidel.
- oulkou: (oulk`ou)**
oulkou a ngar ngii a lkungel.
- ouluuk: (oul`uuk)**
ouluuk a ngar ngii a lukel, malk a ouluuk.
- oumad: (oum`ad)**
oumad er ngii a mengellakl a bedengel el mengeblad, oumad er ngii e torudii a stoang.
- oumadeldirek: (oumadeld`irek)**
oumadeldirek a ousbech a madeldirek, meiko a oumadeldirek.
- oumangidab: (oumangid`ab)**
oumangidab a betok a blil a mangidab r ngii.
- oumatmatong: (oumatmat`ong)**
oumatmatong a meloik a matmatong.
- oumech: (oum`ech)**
kaming a oumech; melekoi e lmangel.
- oumedecherecher: (oumedecher`echer)**
oumedecherecher a melekoi a mesisiich el tekoi el oubekeu er ngii.
- oumedengei: (oumedeng`ei)**
oumedengei a meruul er ngii el medengei; lta e ng diak el odengei.
- oumeder: (oumed`er)**
oumeder a ngar ngii a derengel; kall a oumeder e ngesonges a udoud
- oumeduch: (oumed`uch)**
oumeduch a meruul er ngii el meduch; lta e ng metitur, diak le meduch.
- oumekemad: (oumekem`ad)**
oumekemad a oldechelakl; mekemad; oumekemad el mekreos a chutem er a rdesil.
- oumekikngitlreng: (oumekikngitlr`eng)**
oumekikngitelreng a mekikngit a rengul, melekoi a kngitl a rengul.
- oumekngit: (oumekng`it)**
oumekngit a kesib a rengul; omid, lmangel, meruul a diak el ungil.
- oumelellemau: (oumelellem`au)**
oumelellemau a telkib el mellemau.
- oumellemau: (oumellem`au)**
oumellemau a mellemau, eanged a oumellemau.
- oumengai: (oumeng`ai)**
oumengai a mededechor; diak a urrebetellel; diak a ongbil, oumengai er a ochur.
- oumerang: (oumer`ang)**
oumerang a ngar er ngii a klaumerang er ngii, oumerang er a chelid.
- oumerar: (oumer`ar)**
oumerar a dolech el meched e ng di diak le berrebirt; chei a oumerar.
- oumerikl: (oumer`ikl)**
oumerikl a meruul er ngii el merikl; oubekeu, oumerikl er ngii e bedekdall.
- oumesang: (oumes`ang)**
oumesang a meringel el ourreor; mechitechut e di oumesang el oumesei.





oumesei

oumesei: (oumes`ei)
oumesei a ngar er ngii a meklechel.

oumeses: (oumes`es)
oumeses a meruul er ngii el leko
ng meses, oumeses er ngii.

oumesingd: (oumes`ingd)
oumesingd a smingd; betok er ngii;
oumesingd el ududel a
nguemed er a rrom.

oumeterekakl: (oumeterek`akl)
oumeterekakl a deleberuou;
meterekakl, oumeterekakl a
usbechel a udoud.

oumetilab: (oumetil`ab)
oumetilab a ouemenged el olab a
metilab; ngomedii a kelat.

oumetitur: (oumetit`ur)
oumetitur er ngii; meduch e
meruul er ngii el metitur.

oumisk: (oum`isk)
oumisk a misk; olochotel a chetil;
seselk a rengul er a omelebeseaol
a oumisk.

oumismisk: (oumism`isk)
oumismisk a mekudem e
melemolem el oumisk.

oumongkii: (oumongk`ii)
oumongkii a ngar ngii a cheremel
el mongkii.

oumororou: (oumoror`ou)
oumororou a kakerous a bedengel
el llomes, eanged a oumororou er
a ngeltel a sils.

oungalek: (oung`alek) (1)
oungalek a ngar er ngii a ngelekel.

oungalek: (oung`alek) (2)
oungalek ngar er ngii a cheball e
soal meruul a tekoilngalek; oureng
er a Ngerrechokl me luut er a
smechel.

oungalektang: (oungalekt`ang)
oungalektang a mengeleoch er a
tang e mengeterochel er a rebebil.

oungau: (oung`au) (1)
oungau a rengul er a kleald;
ringel el tekoi, oungau a rengul
er a meringel el urreor.

oungau: (oung`au) (2)
katuu a oungau el melekoi.

oungelakel: (oungel`akel)
oungelakel a melekoi a ngellakel;
beruadel a oungelakel e
sumechokl a chetituokel; ngellekelel.

oungelelang: (oungelek`ang)
oungelelang a mla mo oungalek,
ngar ngii a ngelekel.

oungemokel: (oungem`okel)
oungemokel a nguibes;
ngemekelang, oungemokel a
omelim el rrom.

oungengelakel: (oungengel`akel)
oungengelakel a telkib el
oungelakel.

oungengemokel: (oungengem`okel)
oungengemokel a telkib el
oungemokel a omelim.

oungengerachel: (oungenger`achel)
oungengerachel a telkib el
oungerachel.

oungengeroel: (oungenger`oel)
oungengeroel a telkib e mekudem
el oungeroel.

oungerachel: (ounger`achel)
oungerachel a meluchel a
ngerachel; oba dereder, techa
oungerachel er a ngalek?
ngerechelel.

oungerengurd: (oungereng`urd)
oungerenguurd a meklou a
ngerdel; ngurd, oungerengurd el
chad.

oungeroel: (ounger`oel)
oungeroel a mengokl; choklii a
chad, mechesang er a ngerroel,
sekengeroel, ngerrelel.

oungoaoal: (oungo`aol)
oungoaoal a ngar a chei er a ngoaoal;
ngomedii a ngikelngeuaol.

ourael: (our`ael)
ourael a merael, okiu ngii, rechad a
ourael er a medal a skuul.

ouraelkeobel: (ouraeke`obel)
ouraelkeobel a buuch el klsengraol
a techel; urrael a chelsel.





- ourais:** (*our`ais*)
ourais a ngar ngii a risel; chuodel, mesisiich lius a ourais,
- ourakd:** (*our`akd*)
ourakd a ngar ngii a rekdel; secherel, ourakd er a ngul, ourakdakeald, bekelilangel.
- ouralmsils:** (*ouralms`ils*)
ouralmsils a mekekeald; telkib el mekeald, ouralmsils a rengul a beot a rengul el chad.
- ourebai:** (*oureb`ai*)
ourebai a chemei e mengemochem, smecher a di ourebai er a blai.
- ouebetii:** (*ouebet`ii*)
ouebetii a mengitakl a rebetii, rubak a ouebetii er a bai.
- ouremechakl:** (*ouremech`akl*)
ouremechakl a ouemenged; ngar a chei el olab a remechakl.
- oureng:** (*our`eng*)
oureng a ngar ngii a urrengulel; melebedebek, oureng er a soal, urrenguul.
- ouretakl:** (*ouret`akl*)
ouretakl a meritekeuakl; tekingel a klengeasek; kaikerurt a le klebesei el kasiisik a rsechal me redil.
- ouroachel:** (*ouro`achel*)
ouroachel a mengesengsang; mengebelong, ko er a smecher el di ouroachel, rrouechelel.
- ourodech:** (*our`odech*) (1)
ourodech a ngar er ngii a rdechel, iedel a ourodech.
- ourodech:** (*our`odech*) (2)
ourodech a ngar er ngii a uredrechel, urodech.
- ourrat:** (*ourr`at*)
ourrat a ngar er ngii a rrat er ngii.
- ourreor:** (*ourre`or*)
ourreor a meruul er a kirel; ourreor el omecheliu er a rengeasek, urrereel a ouemenged.
- ourrot:** (*ourr`ot*)
ourrot a meteet el dil; ngii di el redil a ourrot er a bliil me a kllibillel.
- ourureng:** (*ourur`eng*)
ourureng a telkib e blechoel el oureng, "ourureng er a ta el mo ungil deledesed".
- ousab:** (*ous`ab*)
ousab a ouemenged el olab a sab.
- ousaker:** (*ous`aker*) (1)
ousaker a ngar ngii a usekerel.
- ousaker:** (*ous`aker*) (2)
ousaker a meluked a bessel; ousau er a bechiil el dil a ousaker; msa udoud a chad el oubuch er a songel; sekerel.
- ousangelbngaol:** (*ousangelbmg`aol*)
ousangelbngaol a diak el dechor ka el reboreb me a diak el dengchokl me a diak el outubuach.
- ousau:** (*ous`au*)
ousau a betik a rengul; soal, omsau a reng, songel, ousau a mengemull.
- ousbech:** (*ousb`ech*)
ousbech a ngar ngii a ultutelel er ngii; ngar ngii a belkul er ngii, ousbech a udoud, usbechel.
- ousechelei:** (*ousechel`ei*)
ousechelei a ngar ngii a sechelil.
- ousekool:** (*ousek`ool*)
ousekool a rechad er a klekool, ousekool el ouiakiu, outenis; oubasket me a outumetum.
- ousellesolk:** (*ouselles`olk*)
ousellesolk a selusuud; diak el sngoselild; diak el tabesul; rsel a bilek a ousellesolk.
- ousengk:** (*ous`engk*)
ousengk a mereng a saul; ousengk er a hoi, ousengk er a ngloik er a kemeldiil; sengk
- ousers:** (*ous`ers*) (1)
ousers a ngar ngii a sersel er a diokang me a chemutii; sersel.
- ousers:** (*ous`ers*) (2)
ousers a selers; telengetongel; ngar er ngii a sers el meliuekl er a bliil; sersel.
- ousesechebuul:** (*ousesecheb`uul*)
ousesechebuul a ouchechebuul er ngii, leko ng chebuul.





ousesekool

ousesekool: (ousesek`ool)

ousesekool diak le blak a rengul;
cheblad a ousesekool a urreor.

ousiangel: (ousi`angel)

ousiangel a ounged e ocherechur,
ousekool er a ngalek, sisiangel a
rengul; siangel a deurreng.

ousibai: (ousib`ai) (1)

ousibai a ngar ngii a remesiungel,
sibil, merau, meteet a ousibai.

ousibai: (ousib`ai) (2)

ousibai a meruul a sibai; meruul a
oltobedechur el klekool.

ousimang: (ousim`ang)

ousimang a olengamech;
soal el moues el ungil, ousimang
er a ungil el bile; klimelengel.

ousisbech: (ousisib`ech)

ousisbech a telkib el ousbech.

ousisiangel: (ousisi`angel)

ousisiangel a ousiangel.

ousiskors: (ousisk`ors)

ousiskors a mesiskors, ouskors.

ousisuau: (ousisu`au)

ousisuau a melecha er a sisuau,
meses el ousisuau er a rekebil.

ousit: (ous`it)

ousit a melecha er a sit, mekekokil
el ousit el olechau; kekerei el ngor
el ko er a di eolt el meloko a sit.

ouskors: (ousk`ors)

ouskors a ousbech er a skors,
mechitechut a ouskors, skersel.

ouskuul: (ousk`uul)

ouskuul a olsisechakl; kiei a rengul
a ungil el ouskuul.

oustoang: (ousto`ang)

oustoang a ngar ngii a stoang er ngii.

ousubes: (ous`ubes)

ousubes a melasem el obes, mo
diak el kesib a rengul; ak mla
ousubes er a kngtil.

ousueleb: (ousu`eleb)

ousueleb a omengur er a sueleb.

ousuleb: (ous`uleb)

ousuleb a kmo te kirel ker, diak
kudengei el kmo tousuleb er ker?.

outaoch: (out`aoch) (1)

outaoch a ngar ngii a tochel,
Ngeremeskang a outaoch el beluu.

outaoch: (out`aoch) (2)

outaoch a kluk me a kldait; udoud
er a Belau.

outebang: (outeb`ang)

outebang a outemang; merous a
ngikel er a taoch; outemang er a
rubak el melechotech a sudel.

outebengbong: (outebengb`ong)

babii a outebengbong;
melekoi e oldiu.

outechull: (outech`ull)

outechull a ngar ngii a techellel,
ultechull er a techull;
btekel.

outekangel: (outek`angel) (1)

outekangel a olseked er a rengul;
outekangel el ourreor e ngar a
skuul, telekengelel.

outekangel: (outek`angel) (2)

outekangel a chetil el kongei
mesisiich el outekangel el kmo,
diak a mariuana er a tik;
telekengelel.

outelael: (outel`ael)

outelael a meliekl; okiu a
kemengetel a rael.

outelau: (outel`au)

outelau a ngar ngii a telul, sechelik
a outelau a kolt.

outeliil: (outel`iil)

outeliil a ngar ngii a telil, ngar el
chad a outeliil; ulekoad a diak el
outeliil; telil.

outelitiich: (outelit`iich)

outelitiich a ngar er ngii a kakerous
el bedengel; outelitiich el
mamed.

outemang: (outem`ang)

outemang a outebang; merous a
ngikel er a taoch me a kerodel.

outengangoi: (outengang`oi)

outengangoi a oltobed er a chural
el mo er a chad, tengangoi a
mekngit el mad.



**outerached: (outer`ached)**

outerached a ngar er ngii a terached er ngii; ngar er ngii a terached, kngtil; merechorech a outerached a rechorech; terechedel.

outeriobs: (outeri`obs)

outeriobs a ngar ngii a teriobs er ngii, teribsel a sob.

outet: (out`et)

outet a ngar er ngii a til, tet er a chemachel.

outetekangel: (outetek`angel)

outetekangel a telkib e mekekakil el merael; outetekangel el merael

outeteriobs: (outeteri`obs)

outeteriobs a telkib el outeriobs.

outetingaol: (outeting`aol)

outetingaol a telkib el outingaol omulak.

outibenged: (outib`enged)

outibenged a melibenged; melengaol, remurt el mengemull e melai a udoud, tibengedel.

outingaol: (outing`aol)

outingaol a omulak, chetik el orrenge a telingaol, telingolel.

outitngot: (outitng`ot)

outitngot a mengaititngot; ousbech er a di bita el ochil el melechesokl.

outkeu: (outk`eu)

outkeu a ounded; nguu a chad er a dmuil, outkeu er a klechedolel; ungil el mengemedaol a rechad.

outnged: (outng`ed)

outnged a omdingel; oungeroel el diak a ungil el omelekingel; metitur el melaiu er a ngalek; isingel a smau el outnged.

outoched: (out`oched)

outoched a ngar er ngii a toched er ngii; meradel a outoched el kerrekar.

outoketok: (outoket`ok)

outoketok a melekoi el meringel; outoketok el soal mesaod a tekoi; diak el orrenge; toketok, teloketekengel.

outolechoi: (outolech`oi)

outolechoi a ngar er ngii a tolechoi er ngii, tolechingel.

outrombetang: (outrombet`ang)

outrombetang a olengaok er a trombetang.

outuangel: (outu`angel)

outuangel a ngar er ngii a tuangel er ngii.

outubaruach: (outubaru`ach)

outubaruach a outubuach; dechor a bkul a ochil.

outubedobed: (outubed`obed)

outubedobed a klou a bedechel; tubedobed er a odoim, tubedobed er a cheldecheduch; di nguu a ulaol el rokir; telubedebedel.

outubuach: (outubu`ach)

outubuach a outubaruach. dechor a bkul a ochil

outulechoid: (outulech`oid)

outulechoid a olechoid; ochoid, tulechoid a tmuchel a tekoi el mong e kuk tumechel a medung er se el mei; ochidii a blai, outulechoid er a beluu; tulechidel.

outumetum: (outumet`um)

outumetum a olengaok er a tumetum, beketekoi a outumetum a ngerel.

ouuang: (ou`uang)

ouuang a uang, mesisiich el cheltel a uetech, chelideuid a ouuang.

ouuchel: (ou`uchel)

ouuchel a melekoi er a mokemeang; oungeroel er a mla metemall; isingel a soal el ouuchel, uechelel.

ouulk: (ou`ulk)

ouulk a klalo el omulk; bebil er a olekang a omulk; diak le mele malt, tebel a diak el ouulk.






outelechor: (outelch'oi)
 outelechor a ngar er ngii a tolechor
 er ngii, tolechigel.
 outombetang: (outombet'ang)
 outombetang a oenggak er a
 trombetang.
 outuangel: (outu'angei)
 outuangel a ngar er ngii a tuangel
 er ngii.
 outubaruch: (outubari'och)
 outubaruch a outubusch;
 dechor a plul a ochil.
 outubedobed: (outubed'obed)
 outubedobed a klou a bedechel;
 tubedobed er a obom, tubedobed
 er a chelbedechuch, di nguu a
 ulol el tokir, telubedobedel.
 outubusch: (outubu'och)
 outubusch a outubarusch;
 dechor a plul a ochil.
 outulechoid: (outulch'oid)
 outulechoid a olechoid; ochoid,
 tulechoid a turchel a tekoi el
 ming e kuk tumechel a medung
 er se el me; ochidi a plal,
 outulechoid er a beluu; tulechidel.
 outumetum: (outumet'um)
 outumetum a oenggak er a
 tumetum, beketekei a outumetum
 a ngere.
 ouuang: (ou'uang)
 ouuang a uuang, mesisich el
 chelchel a uelch, chelidobid a
 ouuang.
 ouuchel: (ou'uchel)
 ouuchel a melkoi er a
 mokemang; oungereol er a mis
 metemall; isingel a soal el ouuchel,
 uechel.
 ouuk: (ou'uk)
 ouuk a klou el omulk; pedil er a
 olekang a omulk; disk le metemall,
 tebel a disk el ouuk.

outersched: (outer'oched)
 outersched a ngar er ngii a
 tersched er ngii; ngar er ngii a
 tersched, knigil, merschedoch a
 outersched a rechorch; terschedel.
 outehors: (outer'ohs)
 outehors a ngar er ngii a tehors
 er ngii, tehorsel a sob.
 outet: (out'et)
 outet a ngar er ngii a til, tet er a
 cherschedel.
 outestekangel: (outestek'angel)
 outestekangel a tekilid e mekelokil
 el mersel; outestekangel el mersel
 outehors: (outest'ohs)
 outehors a tekilid el outehors.
 outeingaol: (outing'oi)
 outeingaol a tekilid el outingaol
 omulak.
 outibenged: (outib'enged)
 outibenged a melibenged;
 mibengal, remut el mengemull
 e melal a ubod, tibengedel.
 outingaol: (outing'oi)
 outingaol a omulak, chelik el
 onengs a teilingaol, teilingolel.
 outingot: (outing'ot)
 outingot a mengaitingot; oussch
 er a di bita el ochil el melcheshok.
 outken: (out'ku)
 outken a ounged; nguu a chad
 er a dmul, outken er a
 klechobolel; ungil el mengemedaol
 a rehad.
 outnged: (outing'ed)
 outnged a ombingel; oungereol
 el disk a ungil el ombekingel;
 metur el melau er a ngalel;
 isingel a smau el outnged.
 outoched: (out'oched)
 outoched a ngar er ngii a toched er
 ngii; mersel a outoched el kemkar.
 outoktok: (outoket'ok)
 outoktok a melkoi el menngel;
 outoktok el soal mesod a tekoi;
 disk el omeng; toketok,
 feloketengel.





rabek: (*r`abek*)

rabek a ouerabek; rabek a dmidui el mes a berotel; soiseb el robekii a beluu e dongchii; rebekel.

rached: (*r`ached*)

rached a kelel a tolechoi er a chelsel a diil; rechedel.

rachel: (*r`achel*)

rachel a oltekau a llel a kerrekar; rechelel a titimel; rechel a uldeod er a chelechedal a kerrekar.

rael: (*r`ael*)

rael a ulekrael el usbechall er a omerael; ledes a rael el mo er a blai; roel a mlai; ngar ngii a ungil roel a omengedecheduch, roel a tekoi.

raelbeab: (*raelbe`ab*)

raelbeab a klekedall er a blai el oltekau a seches; didilacharm.

raelkeobel: (*raelke`obel*)

raelkeobel a ulekrael er a kereker el roel a mlai.

raelorengodel: (*raeloreng`odel*)

raelorengodel a semosem er a chado er a blai.

railechol: (*raelch`ol*)

railechol a kirrai; kerrekar er a chelechol.

rais: (*r`ais*)

rais a orreked er a kerrekar er a chutem; risel a lius, kerrekar a ourais.

rak: (*r`ak*)

rak a uldekial a 12 el buil; ngar er ngii a 360 el klebesei er a chelsel a ta el rak; kot el rak el ngalek a ta rekil.

rakd: (*r`akd*)

rakd a secher, kemkom a kdekudel el rakd; ourakd er a ngul, rekdal.

ralm: (*r`alm*) (1)

ralm a ilumel; ralmchull, ralm er a omoachel; lmel a ngeliokl.

ralm: (*r`alm*) (2)

ralm a ta er a bedengel a kerrekar.

ralm: (*r`alm*) (3)

ralm a klekedall er a omelasech el blai el osiik a llemalt.

ralmetaoch: (*ralmet`aoch*)

ralmetaoch a ralm er a taoch el beralm el daob; ralmetaoch a rengul a beot a rengul.

rambotang: (*rambot`ang*) rrodel

rangbotang a kerrekar el merikos a rdechel.

ramek: (*r`amek*)

ramek a llel a kerrekar el mo er a chutem el olengird a dellomel; remekel.

rames: (*r`ames*) (1)

rames a ngmoech el chold; diak el lolechesuar e ng tuobed; mla ruames, remesel.

rames: (*r`ames*) (2)

rames a delongelel; rames er a dellomel el dait; merames a delemel el dait; ungil a remesel.

raod: (*r`aod*)

raod a risel a tebechel er a keburs.

rasech: (*r`asech*)

rasech a bekerekard el lmel a bdengel a outeliil; osechel a klengar; rasech a usbechall er a klengar; merserasech; rsechel.


rasechebeab: (*rasechebe`ab*)

rasechebeab a diak a klechubechub er a rengul; diak el ongebechub el chad; dmeu a rengul el mesa chuarem.

rasm: (*r`asm*)

rasm a klekedall er a omerasm; resmel.





rat

rat: (*r`at*)

rat a merat; diak el mekereker; rtul a kerrekar; ulekoad el kerrekar a merat; ratureomel el bambuu.

ratureomel: (*rature`omel*)

ratureomel a kerrekar, bambuu el mo merat er a oreomel.

raud: (*r`aud*)

raud a orekiolel a ullebongel el buil er a rak er a Belau.

rdall: (*rd`all*) (1)

rdall a kirel el merodel; rodelii a nguu er a ingukl; remodel a klengoes; rdelel a olekang.

rdall: (*rd`all*) (2)

rdall a kirel el merodel; rodelii a ngelekel a chad el mo ngelekel; redellel a ngalek.

rdechall: (*rdech`all*) (1)

rdechall a kirel merodech; rodechii a diak lesang e omurech, rdechel a ngikel.

rdechall: (*rdech`all*) (2)

blosech a omerolel a rdechall; rodechii a ilengelakl el kmo, ak milsekau el tiluu er a blik me ke rirechorech a ududek; merodech er ngii.

rdechel: (*rdech`el*) (1)

rdechel a rodech er ngii el iedel.

rdechel: (*rdech`el*) (2)

rdechel a omerodech er ngii; rodechii er a usbechel a mekngit el kar e ng kongei.

Rdechor: (*rdech`or*)

Rdechor a kebekuul; dial a bdelul a beluu er a Ngcheangel.

rdekekill: (*rdekek`ill*)

rdekekill a sebechel el merdekekl; ridekeklii; suchesokl er ngii.

rdemel: (*rdem`el*)

rdemel a omeredem er ngii el oles.

rderdall: (*rderd`all*)

rderdall a kirel el merderd; osebokel er a rrat a rderdall.

rderdechel: (*rderdech`el*)

rderdechel a rderodech er ngii; seseb a merderodech; ngerel a seseb.

rderdel: (*rderd`el*)

rderdel a omerderd er ngii; merderd.

rderodech: (*rder`odech*)

rderodech a ngerel a seseb me a chull el merderodech; orrenge a rderodech.

rdiil: (*rd`iil*)

rdiil a kirel el merad; ngiuul; bung a rdiil, rodir a kebui, remad a kar; rdil a bung.

rdil: (*rd`il*) (1)

rdil a omerad er ngii; merad a kar; rodir a bung; rdil a kebui.

rdimel: (*rd`imel*)

rdimel a kirel el meridm; ridmii a tuu, ruidm, rdmel a tuu.

re: (*r`e*)

re a melekoi el kirir a rebetok; rechad, rebuik, rekebil, rebeluu a kldibel.

reakl: (*re`akl*)

reakl a ulleuoll er a bebul a imuul; el bliil a kall me a klalo; rekkel.

reall: (*re`all*) (1)

reall a ta er a bedengel a ngikel.

reall: (*re`all*) (2)

reall a kirel el merael; ng reall a kekemanget e mochu er a Ngerechelong; remolii.

rebai: (*reb`ai*)

rebai a diak le medal; diak le ngelong er a blai; rebai er a blai.

rebek: (*reb`ek*)

rebek a melekoi er a tokle Chad; rebek el chad, rebek el ngalek, rebeluu, rebebil.

rebekall: (*rebek`all*)

rebekall a kirel el merebek; ochab er a chemang a rebekall; robekii el oba orebek; ruebek, rebekel.

rebekeklel: (*rebekekl`el*)

rebekeklel a omerebekakl er ngii; suchesokl el mo reboreb; merebekakl.

rebekel: (*rebek`el*)

rebekel a omerebek er ngii el ochab; merebek.

